

摘藻堂四庫全書薈要

史部

欽定四庫全書薈要

史部

硃批諭旨卷二百十三之二

詳校官編修臣繆晉

欽定四庫全書薈要卷八千一百九十五

史部

硃批諭旨卷二百十三之二

硃批邁柱奏摺

雍正六年正月十九日湖廣總督臣邁柱湖北巡撫臣馬會伯謹

奏為恭陳修築隄岸情形仰祈

睿鑒事竊照楚省連年水發沿江近湖之低窪田地致  
罹淹沒蒙我

皇上聖心憫惻恐有隄岸未修或有疏濬不力

特命臣邁柱於到任後會同撫臣悉心商酌將如何興修防護之處詳悉議奏欽此今臣邁柱於十二月初一日到任凜遵

諭旨星即檄行布政司分委道府將各屬隄堦應如何加高加厚之處併水道湮塞應行疏濬者逐一勘報去後候該司詳到會

題外臣等復加體察連年楚省沿江兩岸隄堦每受

水患者率由於歷年修築不堅所致查民間每年歲修估派夫土動至百十餘萬若果實夫實土盡用於隄工則逐年加增何至日頽月削祇因地方水利各官以修隄為利數將業戶所派夫土官役通同里催包折銀錢烹分肥已潦草完工是以年復一年不能堅固今蒙

諭旨令臣等悉心商酌敢不仰體

皇仁為一勞永逸之事然民修民隄衆擎易舉若不用

民力而動帑興修則工程浩大費帑甚多況時已  
春令興此大工勢必趨修不及臣等愚見莫若仍  
聽民間照例修築臣等嚴禁諸弊責成道府力行  
稽察不容包折肥已務使實用工力以去年之水  
痕為準加高三尺非若從前之虛應故事且各屬  
里民感沐

皇上格外蠲賑之恩現今業已踴躍赴工凡隄身之低  
薄者各加高厚水道之湮塞者自行疏通約在夏

潦之前可以告竣惟沔陽監利江陵公安石首等

州縣去夏潰決之口甚多民力不足已經署督臣

傅敏捐銀五千兩買米給發助修外又江夏咸寧

嘉魚蒲圻等縣應修長隄雖民夫現在興修但俱

係上年被水地方工用繁鉅民力維艱臣等酌議

幫助併有添修閘堰之處量為幫給以紓民力所

需銀兩查有効力贖罪之鄭任鑰已繳司庫銀七

千五百兩應將此項動支尚有不敷請於司庫內

先為墊用仍在鄭任鑰名下追完補項竊思今年  
修築之後如果保固夏潦則從此逐年歲修漸加  
高厚似可不須動帑倘有必需大修之處容俟秋  
間另奏請

旨是否有當伏候

訓示施行再湖南隄墜現行布政司委員查勘俟撫臣  
王國棟咨會到日商酌另

題合併陳明謹



奏

湖北隄塍應行修築情形據奏已悉俟爾等會題之疏并湖南隄塍作何修築具題到日朕另降諭旨

同日又

奏為恭請

訓旨事竊查湖北咸寧等州縣衛連年被水荷蒙皇恩全免錢糧又奉

特諭將買穀備用銀六萬兩動支分給賑恤臣馬會伯

以貧民羣聚糴買恐致米價騰貴隨委員前往四  
川湖南豐收之處分途採買因一時不能運到隨  
經

題明將常平等倉穀先行借用俟買米到日補還已  
於去年十一月起查明實在饑民按戶給散臣邁  
柱於到任後又嚴飭各員實力奉行今經兩月臣  
等細加查算若以州縣原報戶口計之則六萬兩  
採買之數可敷四箇月賑濟之用但從前各縣饑

民有出外就食者臣等仰體

聖恩廣為招徠今據各該縣所報聞風回籍者已有一萬餘口此後續回者尚不能預定且臣等又委員前往四川河南等省各路招徠將來回籍饑民日漸增多均需賑濟恐所買六萬兩之米數不敷支用臣等公同籌度惟有鹽商捐銀備賑案內係每年報捐除雍正五年捐銀十萬兩已撥湖南四萬兩併湖北遵

旨買米賑濟六萬兩外今雍正六年該商又應有捐備  
之銀與其為將來備賑之需莫若先應現在饑民  
之急臣等擬令該商將六年分銀內預出三萬兩  
買米以敷給賑之用統在本年報捐數內銷算不  
過一轉移間而續到招回戶口得以支散可免不  
足之虞矣臣等未敢擅便可否出自

聖恩伏乞

皇上訓示遵行謹

奏

通融捐備銀兩先應目前之急此見是照所請行

湖廣總督臣邁柱謹

奏為敬陳修隄事宜仰祈

睿鑒事竊照楚省去夏江湖水漲淹沒田禾蒙我

皇上厯念楚民常被水患或有隄岸未修或有疏濬不  
力務須設法經理

特頒諭旨俟臣到任後會同撫臣商酌將如何興修防

護之處詳悉議奏此誠

聖主日月之明無微不至愛民之心無一不周臣仰體  
皇仁敢不悉心經理除現在興修防護緣由會同撫臣  
具

題外臣復廣諮博訪將應興應革事宜可以經久而  
有裨於隄工者酌議八條謹逐一臚列恭呈

睿覽

一修隄估計之宜造報也每年修隄例係業戶按

糧均派夫土有隄本穩固而祇須略修者有冲刷  
塌陷而必需大修者水勢之平險不齊用夫之多  
寡不一而不肖官吏賣富差貧以少派多之弊得  
以自由嗣後每於潦水消退之後令州縣衛官先  
將本年應修之隄親往勘量各長若干某處頂寬  
若干身高若干脚寬若干確估應用夫土數目每  
糧一石該出夫土幾何逐一造冊齎院備查仍出

應如

是但須防浮派致滋紛擾總之有治人無治法委  
示曉諭使業戶悉知應出夫工之數以免浮開濫

用得人是法皆善也派之弊如有違者嚴叅從重治罪

一增加尺寸之宜酌定也查長江大隄每遇水漲

坍卸者常少漫溢者常多是培薄固不可緩而增

高尤所當急若每歲果加一尺則五年之後便可

斯乃極當之舉然亦須預陳利害委曲開導務令人皆

樂從方好該管官等有能如此勸諭百姓踴躍從事而人行走之處一年加土一尺人畜往來之地加土

不怨嗟者即為實心辦公之員以此分別優劣則可若一尺五寸增寬之數亦如之竣工之日專責該管

但不如式遂行揭叅恐督修者希免處分雖強迫累道員查驗結報有不如式者將督修水利之官以



民亦有所不顧此處要當留心  
溺職揭參

一包折錮弊之宜重懲也查向來每歲修隄諸弊甚多從前督撫非不嚴禁無如陽奉陰違今臣實力禁革使業民夫土實在到工但恐歲久法弛必須請定嚴例錮弊得以永除嗣後水利同知州同縣丞等官仍蹈故弊令該道府訪實詳報督撫參究從重治罪仍枷示一月以示儆戒其有措勸業戶將夫土包折者照河工包攬閘夫溜夫之律二

此一名以上者發附近充軍一名者枷號一箇月仍杖一條實係當嚴者具疏題定可也

一百發落庶人知儆畏而隄工之歲修可以久垂

利益矣

一護隄柳荻之宜速栽也隄身之外多栽楊柳近

隄沙土密種蘆荻久之可以固隄臣現飭地方河

係極

有益之事當力為之近日於黃河兩岸准捐栽柳官令業民乘春插柳以一弓一株為準其蘆荻則

不三

二年間聞已蔚然成林矣亦應查儆河柳之例題接連栽種河官不時查點禁止偷竊損踐不數年

請捐栽為是

間深根盤結可為護隄之一助如民力不能多栽

臣同撫臣司道府協力捐種該管官奉行不力應以誤工叅處

一隔屬同隄之宜協修也州縣地方雖各有疆界若田畝同一隄塍則此邑隄潰淹及彼邑利害相

關豈宜膜視而分彼此嗣後請著定例凡遇同隄

所論是亦宜預行明白曉諭令民心悅服而為之有險水勢危急即無分隔屬水利各官督同有業

之人協力搶護不許互相推諉如有抗拒為首之

棍徒嚴拏詳解治罪

一田間水道之宜疏濬也支河曲港有淤淺者急宜疏濬而隄內溝洫蜿蜒於田畝之間引以灌溉

利濟甚溥臣俱現飭疏通嗣後專責水利各官每

日今

江南地方朕發帑疏濬楚省亦當一體施思此事

應遵

旨題請為是汝其再加斟酌定議非如長隄數千

於冬晴水涸之時督同業戶盡力深濬度其形勢

里之

可比也或明安木閘或暗砌瓦筒旱則閉之以灌田潦則

放之以洩水倘水利官奉行不力及借端滋事者

道府訪實詳參

一浮沙夾雜之宜速去也隄塍衝潰之處自必積

有浮沙若不盡除而即加土填塞則根脚虛鬆遇

水又復潰決嗣後修築潰口須創盡浮沙至底然

斯論

亦是總在得人耳

後層土層礮道員查驗引錐鑽試以灌水不漏者

方為堅實若草率報完以致潰口本年復決者將  
查驗不實之道員併水利官叅處責令賠修

一積土備險之宜預計也外灘之土俱係砂礫不  
足為用惟隄內有空地者一遇隄塍欲潰之時猶  
可取以搶救設或外水已逼內垵又淹無土可取

則束手坐困矣應於農隙之時地方印官水利各員率民預為擇地取土酌量壘積於險隄高廣之處此論更屬允當之至無事則可作歲修之用有險則隨手可得可免無地掘土之虞是亦思患預防之一策也

以上各條臣訪察情形謬抒未議謹繕摺恭請  
皇上訓示以便具

題伏乞

睿鑒施行謹

奏

逐條批諭矣

同日又

奏竊臣前蒙

皇上發下湖北布政使黃焜保奏襄陽府知府尹會一  
興山縣知縣王琪一摺

命臣確查如王琪居官果好即以同知等缺題補欽此  
今臣細加密訪知府尹會一現署荊州府事為人

謹飭克供職守然吏治尚未熟練容再試用以見其長知縣王琪於臣未任之前已委署省城江夏縣事年力正壯雖有酬應之才辦事不甚勤敏其政聲亦屬平常尚須徐觀後效臣未敢輕率保

是

題相應繕摺回

奏至布政使黃焜蒙

皇上命臣察其操守如何臣密為體訪現今雖無貪婪此乃泛論掌錢糧者之通語耳若不至大差不必過於之處微聞輿論其支放銀兩有輕扣之弊但未得



苛求

實據容臣訪確另行奏

聞謹

奏

如是方是朕嘉悅覽之

雍正六年二月初三日湖廣總督臣邁柱謹

奏為奏

聞事竊照地方雨雪情形米糧價值俱應查明奏報恭

慰

睿懷臣於到任後即備檄行查茲據湖北布政使開報  
武漢鄖等府自上年十月至今年正月雨雪均平  
米價每石九錢至一兩一二錢不等又據湖南布  
政使開報長靖等府州自上年十月至今年正月  
有得雪者有得雨未得雪者大抵雨水調勻現今  
米價每石自八錢五分起至一兩二錢不等與臣  
訪聞相符目下天氣晴和麥苗茂盛俟夏熟屆期  
查明收成分數另報外所有現在情形理合具摺

奏

聞謹

奏

覽全楚雨雪米價情形朕懷深慰

同日又

奏為請

旨事竊照各屬土司從前構怨興兵彼此殺掠習以為常故桑植土民向被容美土司擄去男婦千有餘

口今桑植已改土歸流自應招徠復業先經副將  
楊凱同知鐵顯祖等查開戶口姓名檄行容美司  
送歸故里隨據容美司田旻如呈稱從前擄掠人  
口至今已三十餘年所有桑植協文內姓名俱不  
可考實令職司身無所措等語到臣除行南北兩  
司會查詳議外臣伏思桑植保靖二土司新歸版  
籍而永順司又自請歸流創闢之初一切佈置事  
宜臣現在細查酌議尚未定局此時正宜安輯人

心慰諭鄰境况容美從前掠去桑植戶口事越三十餘年一旦急於追還恐田畧如不無疑懼臣愚以為此事似宜從緩俟將桑保永順三處設官分汛佈置妥協然後將桑民之在容美者飭令退還諒亦不敢不遵且各處兵防已密民情已定田畧如即有煽惑之技亦無可施矣臣愚昧之見未知是否伏請

皇上訓旨以便遵循謹

奏

爾從緩之見是王柔似一實心効力之員俟其旋楚與  
之籌計爾甫經蒞任朕又遠隔數千里之外率意措置  
或恐未當百凡慎重為第一要著再者聞各土司俱有  
耳目腹心布於督撫左右須當謹防而一切事尤宜縝  
密料理毋稍疎忽此係朱綱奏朕之語不識伊曾向福  
敏馬會伯言及否也

同日又

奏竊臣前奏招民復業一摺奉有

皇上硃批臣跪讀之下仰見

皇上聖心時以吏治民生為念

訓勵微臣至此諄切臣敢不上體

宸衷竭盡心力雖捐糜頂踵不足以報

高厚洪恩斷不敢以循分辦事而自以為盡臣之職也

惟是臣材質愚鈍當此兩湖重任且民風刁悍吏

治澆漓已在

皇上睿照之中所有一切事宜臣殫力料理總賴我  
皇上訓誨指示知所遵循庶得民風厚而吏治清以副  
聖主勉勵微臣至意所有奉到

御批奏摺理合恭繳伏乞

睿鑒謹

奏

爾等督撫大吏全賴屬員同志協力無欺無隱共相贊  
助然於辦理一切處須公而且明足以感服其心始可



驅策羣力不然一人之耳目何能徧及也勉之

同日又

奏竊臣標中軍副將一官乃通省武弁之領袖操兵

辦事必須精壯敏練之員始克勝任今查副將劉

朕記

劉昇乃高其位所保係有才具之員想今已年邁

昇履歷開年六十五歲精力雖不甚衰但辦事昏

矣

曠多有遲鈍不稱中軍之任臣因該將無大過愆

是以未即糾叅然職任緊要必得能員始收臂指

之用應否令其自行請休其員缺恭候

皇上簡補幹練人員以供任使臣謹繕摺具

奏伏乞

皇上批示施行謹

奏

令其請休可也朕記名人員內優者俱經擢用其所遺  
員缺爾於通省參遊內檢選奏請即參遊現今亦乏記  
名之員一併選擬奏聞候朕酌定此間設或得人亦即  
補用也

雍正六年三月十一日湖廣總督臣邁柱湖北巡撫臣馬會伯謹

奏為奏明事竊查楚北武昌省城并漢口地方人煙稠密日用米穀全賴四川湖南商販駢集米價不致高昂臣聞上年青黃不接之際湖南商米罕至而川江水漲米船又不能下峽以致五六月間武漢二處每石貴至一兩七八錢民間至有無米可糴之苦今臣與撫臣商酌必須預為籌畫以備將

來平糶之用查賑饑案内經臣馬會伯

題明將各縣常平等穀先行賑濟俟委官於四川湖南買米到日賣米買穀補倉茲委官採買之米陸續可到若此際即發各縣亦須秋收始能易穀上倉莫若將此米石留貯省城漢口於青黃不接之時減價平糶將價銀收貯司庫俟秋收買穀補還各屬常平原項如此則各縣之倉穀無誤而武漢之兆庶感沐

聖恩於世世矣。臣等謹具摺

奏明伏乞

皇上睿鑒施行謹

奏

所議甚好。應如是。况楚省補倉較之他省。究屬易為

湖廣總督臣邁柱謹

奏為奏明事。竊照桑保二土司新經改土歸流。任事  
官弁宜愛恤土民。毫無擾累。而使知向化之樂。更

宜慰安鄰司釋其疑懼而可杜釁隙之端今聞得副將楊凱將駐劄桑植兵丁占住民房將帳房扯於屋內土民深為不便又兵丁強買貨物以致商民裹足不前臣查營房一項已經署督臣福敏捐銀給發該將蓋造草房給兵棲止何以尚占民居當即飭行署九谿副將印務總兵官周一德併新設同知鐵顯祖密查去後今據周一德覆稱因塘房未蓋兵丁實將帳房扯立居民屋內楊凱於本

年正月初八日方始發銀興工至兵丁強買貨物  
係十一月初旬有兵王一昌等爭買猪肉恃強毆  
辱該副將薄懲未服人心等語又據鐵顯祖稟稱  
楊副將姑息兵丁約束稍寬衆兵到桑有占住民  
房者有買食物恃強短價者亦有強取強拏並捉  
民夫馱負行李什物者以致小民棲止不安奔走  
無暇又因蓋造兵房使土目派百姓砍木助工等  
語合之臣所訪聞無異本應據實叅劾因該副將

先與容美土司追還從前搶去桑植戶口過於急  
躁致容美土司激切呈辯經臣具摺

奏明現又據田旻如疊訴楊凱逼迫情由臣正在行  
司確查今若將楊凱即行疏叅恐長土司傲慢之  
風除諄飭楊凱痛加改過外合將情由具摺奏

聞倘該副將仍不悛改或應叅處或請改調容臣另奏  
請

旨伏乞



皇上睿鑒施行謹

奏

所見甚是但楊凱明白解事寧肯如此負朕為如此謬  
舉乎或因過於從事為人所誣陷亦未可定爾當再四  
詳審且田旻如恃其富厚到處鑽營豈有不向楊凱賄  
求之理今楊凱乃破面向伊追還戶口係出於秉公不  
徇耶抑或因勒索不遂挾怨相逼耶均未可知茲朕有  
命福敏寄與楊凱之札爾其轉發於伊楊凱回字附便

呈覽

同日又

奏為恭請

睿裁事竊照黃陂縣民龐文海家於上年十二月三十  
夜被盜該縣知縣程洪改強為竊已經撫臣會疏  
糾叅其專汛營弁併兼轄之黃州協副將亦經臣  
查叅在案但查該副將李繩武年富力強到任未  
久而觀其人材尚堪練習今本案改報事屬縣官

且該副將不在同城因署提臣調考未及確查即  
據文轉報雖例應降調而情有可原臣仰體

聖心為愛惜人材起見冒昧奏請可否

恩留原任俾其報效

洪恩出自

聖裁謹

奏

李繩武係上好之員應當愛惜者

同日又

奏竊臣前具敬陳修隄事宜一摺蒙

皇上逐條批諭指示周詳臣得仰承

聖訓知所遵循除革弊裁柳二條遵

旨具題外其餘事宜臣自可舉行者悉遵

聖諭預陳利害委曲開導使業民樂於趨事至疏濬水

道一條恭讀

御批目今江南地方朕發帑疏濬楚省亦當一體施恩

此事應遵旨題請為是汝其再加斟酌定議非如長堤數千里之可比也欽此臣查楚省水患內水壅滯之時少而因江湖暴漲外水灌入之時多似與江省之地形稍異且各屬水道有必須疏濬之處民間已現在用工疏導此際即欲

題請動帑而時已春盡勢所不及臣愚宜俟今歲夏秋水汎之後察勘果須大濬再請動帑於秋末冬初水涸之時方可興工以副我

皇上恩沛楚民之至意是否允協伏祈

皇上訓示遵行謹

奏

朕已命動撥帑金六萬兩頒發楚省如果俱經疏通無可更為興修處則亦已耳若勉強捏造一事以迎合朕之恩旨又屬不可也

雍正六年三月十九日湖廣總督臣邁柱謹

奏為桑土正藉撫綏文武不能共濟合先陳明恭請

訓旨事竊臣前因桑植副將楊凱束兵不嚴及蓋造兵房派民砍木等事併據同知鐵顯祖稟覆情由業經具摺奏

聞正在候

旨間今准署提臣劉世明咨稱桑植副將楊凱不嚴束兵丁占居民房強買貨物以及蓋造營房濫派土民砍木等情本署提督已經嚴檄行查茲據覆稱並稟同知鐵顯祖私派銀兩強占田土縱役訛詐

等情是否實據或係該副將偏覆偏稟其事之真偽殊難懸定除將該副將事實密行訪察外但歸流之初全賴撫綏似此文武不和若使均留桑植必致貽誤等因併鈔稟移咨到臣除檄行湖南布按二司將楊凱鐵顯祖各情由嚴查確實報叅外臣查楊凱縱兵擾民併其稟揭鐵顯祖私派等項雖虛實未定而該員等不能和衷共事情已顯然理當一併



題叅解任質審緣兩員尚知苗情且一時難得署事  
之員臣愚見一面行司查審一面令辰沅道王柔  
星往桑植細加確訪則兩人之是非真假可以立  
明俟查明到日臣即據實叅究庶邊土不致貽誤  
而官方亦得嚴肅矣是否有當恭請

皇上訓示施行謹

奏

如此情形無論孰是孰非令新附土衆觀瞻之下成何

體統已降旨命解任嚴審矣可徹底究訊定擬以為無  
恥劣員之戒

同日又

奏為奏明事竊照湖北散毛土司覃煊先於康熙五  
十四年其母田氏將所屬客寨等處地土立契賣  
與貴州銅仁本省辰州民人冉靜庵熊本龍等耕  
種伊等移家招佃造屋墾荒已經多載迨後各戶  
以土官苛徵互控經前任督撫批查於雍正四年

據布政司詳議執從前漢土不許買賣田土之例  
令土官給還原得價銀將熊本龍等二百六十餘  
戶男婦一千六百餘口飭押各回原籍因各戶安  
業已久不願領銀回籍以致懸案未結及臣到任  
復據各民赴臣哀控情願為

朝廷陞科辦糧併稱土司覃煊捉人燒房等情臣現今  
批司嚴查去後伏思此案田土該土司既已出賣  
與民雖價止六百餘兩而各民之搬家造屋招佃

墾荒所費何啻數倍乃令土司以六百兩之原價贖回一千六百餘口之腴產致使熊本龍等二百六十餘戶流離失業殊非情理之平若執舊例將良民墾熟之地一旦歸還土司臣之愚見以為不可以似應仍令各民耕種准其陞科納糧飭令明立界限不許該土司借端滋擾倘有抗違容臣將單煇

題叅治罪併請改土歸流庶各民戶得以樂業而招

徠墾荒之人亦必聞風踴躍矣是否伏候

皇上訓示施行謹

奏

所見甚屬合情順理即如是處斷可也

雍正六年四月初八日湖廣總督臣邁柱謹

奏為恭謝

天恩事竊臣齎摺家人回楚捧到

皇上賜臣輿圖一幅臣隨恭迎至署望

闕叩頭謝

恩祇領訖伏念臣碌碌庸材蒙我

皇上格外優隆簡畀總督雖竭盡駑鈍未足報稱復蒙  
聖眷恩施稠疊清夜自思實增慙悚所有奉

賜輿圖臣什襲珍藏時時恭閱儼對

天顏於咫尺永矢報效於涓埃謹繕摺恭謝

天恩伏乞

睿鑒謹

奏

此圖費

聖祖數十年苦心所成幅員廣備分秒無差可稱從古未有之寶物應珍重收藏者

同日又

奏為恭報楚省二麥豐收分數雨水霑足情形仰慰聖懷事竊照楚省二麥收成分數臣據湖南布政使趙城開報長靖等九府州二麥收成約計七八九十

分不等自正月至四月雨水霑足秧苗遍插米價  
每石九錢二三分至一兩一錢四五分不等等情  
又據湖北署布政使王肅章開報武鄖等八府屬  
二麥收成有八九十分不等等雨水霑足秧苗現插  
米價每石八錢四五分至一兩一錢不等等情臣  
查南北各屬二麥豐收即菜子蠶豆等物亦俱大  
熟此皆我

皇上愛民念切感召



天和且恭迎龍神至楚奉祀得獲雨暘時若現今民食得  
以接濟閭閻俱有含哺鼓腹之樂理合繕摺奏

聞恭慰

聖懷謹

奏

覽奏深慰朕懷汝等封疆大吏果能秉公盡職實心教  
養百姓

上天神明之錫佑朕可保其必然不爽也勉之

同日又

奏竊臣家人齎摺回楚臣跪讀

硃批爾等督撫大吏全賴屬員同志協力無欺無隱共  
相贊助然於辦理一切處須公而且明足以感服其  
心始可驅策羣力不然一人之耳目何能徧及也勉  
之欽此仰見

皇上至聖至明無微不至竊惟為政之道必先清吏治  
而後民風可正雖提綱挈領責在督撫而藩司為

承流宣化之官所關亦屬甚鉅今臣任事數月以  
來見湖北布政使黃焜應對雖有口才公事每不  
實心辦理臣屢加勸導仍多錯謬即如外省所存  
子母礮位現准部咨奉

旨悉行解京而該司將司局舊有之子母礮混請作廢  
收存及臣駁飭始行改詳解部又司局入官硝斤  
理應收貯以備緩急之需乃該司混請發傾銀鋪  
戶每百斤令繳價銀二兩七錢存俟採辦軍需之

日附買還項且係司賣司買似與鄭任鑰之營私  
無異經臣批駁始得中止又如採買杉木應動正  
項錢糧辦理先據該司詳報已將木價給發委官  
而委官稟稱尚未給領臣現在嚴行批查復據該  
司面稟內有賠用之項欲派各屬公捐臣聞之駭  
異面責其非而止其餘舛誤之處不敢瑣列今畧  
舉數端則該司之不能相助為理諒在

聖主睿照之中臣何敢避嫌怨徇人情代為隱諱上負

聖恩茲據按察司王肅章詳揭署江夏縣事興山縣知  
縣王琪貪婪劣蹟請叅前來而黃焜並不揭報臣  
查該司居官於地方吏治實無裨益而又徇庇王  
琪除另疏遵例附叅摘印候

旨外理合具摺

奏明伏乞

皇上睿鑒施行謹

奏

如此方是朕嘉悅覽焉黃焜之不妥朕於他處已聞正欲去之所奏深合朕意隨降旨黜革矣可將其負恩處一一詳察嚴究當重懲以為此等下愚不移者戒封疆大吏若咸能如是東公察吏毫無瞻顧何愁天下不治耶據奏不肯避嫌徇情等語試思若輩所交結者不過狐羣狗黨

天理國法有朕主持何足介意人看此理不透所以每致誤事也勉之勉之

同日又

奏為遵

旨開列能員恭候

簡用事竊照臣標中軍副將劉昇年衰昏聩經臣具摺  
奏明奉有

硃批今副將劉昇現今請休臣具疏另

題外謹遵

旨查得武昌城守參將茲現陞江西袁州協副將朱文

此人洵優應當於緊要地方

調用

華湖廣鄖陽協副將

朕記徐啓新入甚明白但少欠誠

實試用看

勤謹訓練有方堪膺臣標中軍副將之任相應開

列恭請

皇上於此二員內

欽點一員補授俾臣得資臂指之用如朱文華蒙

恩補授則所遺袁州協副將員缺伏乞

皇上另簡補用如徐啓新蒙

恩補授則所遺鄖陽副將員缺查有興國營叅將馬化



馬化正委係好員所舉是其心胸亦甚明亮

正係苦苦腦桌子山出征效力之員營伍諳練才  
技優長堪補鄖協副將其馬化正員缺因臣現在  
調考各官未盡驗試無可擬補且與國地非緊要  
應聽部推臣謹摺

奏伏乞

皇上睿鑒施行謹

奏

據奏已有旨諭部矣

雍正六年四月二十日湖廣總督臣邁柱謹

奏為治苗宜循勦之法以壯軍威以安良善事竊  
照鎮草克苗倚恃險阻野性難馴時入內地竊劫  
害民是以特設重鎮多布汛防原欲藉兵威而使  
之懾伏也乃從前疲玩成習凡遇克苗事發藉稱  
不敢擅自用兵必待呈報上司行文而後遣兵往  
捕則曠日持久克苗已竄匿遠颺或預備拒敵往  
往難於弋獲臣到任後廣為諮訪聞原任雲南提

督臣張國正先任鎮守總兵以鵬勦之法治苗甚善凡遇失事探實賊蹤係是何寨何苗一面飛報督撫提督一面即撥弁兵馳往該寨圍擒出其不意攻其無備有迅雷不及掩耳之勢如鵬之捕鳥取其疾速而鳥可必得也國正行之數次而諸苗畏憚終其任內兇鋒為之斂戢殊有明效臣與鎮臣周一德面酌相符今循行此法但期罪犯得獲而止不得過為殺戮以廣

皇仁是否有當伏候

皇上訓示施行謹

奏

此在卿等酌量為之據理而論制服凶苗之法寧有善於此者乎但朕相隔數千里外未經深悉情形究難遙定可否全賴地方大吏相與詳審熟籌方收因地制宜之效也所奏知道了

同日又

奏竊臣蒙

皇上洪恩畀以總督重任於地方事務惟恐一刻疎誤  
上負

聖恩但湖南相去武昌路途遙遠各屬詳報之文皆先  
至撫提衙門而後至總督故臣於湖南事件知之

甚遲往往有撫提先已摺

遲

速先後緣道途遠近所限豈有不諒而一例吹求之

奏者實由於路有遠近到有先後非臣之敢於怠緩

理

也如下崗土司自請歸流一案臣方批司查議而

撫臣先已奏

聞矣寧遠縣荆之寶被盜拒傷官兵一案臣方批取玩

縱職名并勒限半月令該將等獲賊解報並令永

楊國

相無用人也已命留永隨又降旨革黜矣

鎮總兵楊國相留永勦捕不得離任卸責而署提

臣已先具疏會叅矣今臣雖嚴督接署遊擊之朱

恩貴等上緊搜捕而據報獲賊年亞孫供稱賊夥

已逃散各回粵省臣現在嚴令設法緝拏合將情

由繕摺

奏明謹

奏

覽

同日又

奏為奏

聞事竊據辰沅靖道王柔欽傳

上諭原任湖南辰州府知府遲熾貪贓不法欺隱鹽木  
關稅一事所有伊管事家人杜大杜二李大李二

等藏匿武昌令臣查拏辦理欽此臣隨自作訪聞

檄行按察司轉委武昌府知府密拏去後據該府

稟稱杜大往襄貿易未回杜二已故現獲伊子杜

正心等李大已故現獲伊子李榮祖等并獲李二

同子李耀章等續據杜大自行投到審據各犯供

稱俱係江夏縣人並非遲熾家人杜二曾與遲熾

作幕於康熙六十年辭回已經身故杜大曾為長

隨李大亦曾為長隨於康熙五十三年辭回身故



李二曾在辰州貿易與遲煇並無干涉查其家內  
止有粗衣什物並無產業資財等情臣恐有狡飾  
情弊現令司府再加確訊實供另報外所有現在  
獲審情由先行具摺奏

聞伏乞

皇上睿鑒謹

奏

知道了此等事但當秉公據實處斷固不可令姦徒漏

網亦不可罪及無辜朕意不過凡事欲求得當耳

同日又

奏為恭繳

御批奏摺事竊臣前准吏部尚書福敏差齎

御批奏摺一件到臣隨查福敏所奏桑植保靖歸流請  
設縣治並立營制緣由臣正在查議間因永順土  
司自請改土歸流已蒙

皇上恩允則現今布置善後事宜應將三土司地方酌

量形勢另為妥議與福敏前奏布置桑保二處之  
局面不同臣現今湖南布按二司會同鎮守總兵  
周一德辰沅靖道王柔勘明定議俟詳到之日覆  
核會

題請

旨外所有奉到

硃批福敏原摺理合附繳伏乞

皇上睿鑒謹

奏

福敏原屬識見平常之人其所論議何足為準卿酌量  
機宜料理可也

雍正六年五月二十二日湖廣總督臣邁柱湖北  
巡撫臣馬會伯謹

奏為請

旨事竊照湖北漢陽一府地處衝途兼以漢口巨鎮詞  
訟繁多非精明強幹之郡守不克勝任今查該知

府高克謩身弱多病復患耳聾審理詞訟難於聽斷又漢陽縣知縣侯執信書生初任不諳吏事實乏理繁治劇之才臣因二員居官尚能謹飭無甚過愆故不具疏叅劾但員缺緊要未便因循貽誤可否令高克謩自行告病候執信自請改教允屬相宜其所遺府縣二缺容臣等於楚屬守令內酌量

題請調補臣等未敢擅便謹繕摺請

旨伏乞

皇上訓示施行謹

奏

所見是具本題請可也

湖廣總督臣邁柱謹

奏為恭報二麥全收禾秧盡插地方寧謐情形仰慰  
聖懷事竊照楚省南北二麥收成分數經臣繕摺具

奏今二麥俱已收割而雨水霑足禾苗亦俱栽插民

間現有麵食接濟米價漸平地方亦甚寧靜至於  
江湖現今水雖漸長勢不甚大隄塍俱各保固惟  
黃梅縣於四月十八日早山中發蛟停前驛等鄉  
河水陡漲丈餘損壞民居數十間田地百餘畝本  
日下午水勢漸退現今委員查勘似不為災所有  
現在情形理合摺

奏恭慰

睿懷謹

奏

覽奏水不為害朕懷深慰然伏秋二汛未過曷敢釋懷  
但能秉公黽勉政治則

上天之感應必不爽也勉之敬之

同日又

奏為奏請

訓旨事竊查楚省各營因修整甲械製備火藥併一切  
公費無項可支故各有公費糧多寡不等但當飭



經管之官不使多餘侵蝕而未可以盡革也上年十一月內前署督臣福敏

題叅原任彝陵鎮總兵劉業溥一案有五營各設公費糧一十三分飭令盡行募補足額等語於疏內聲明並行該鎮盡數查補去後今據彝陵總兵官杜森覆稱已將公費等項具摺

奏明蒙

皇上硃批各營公糧數分乃必需者酌量留用委妥員

料理可也欽此本職隨行五營將公費招補二名實  
存公費守糧一十一名又經

奏明等因呈覆前來臣查彝陵鎮公費等糧該鎮既  
稱

奏明蒙

皇上恩准則五營各將備無庸再為查叅至於別營公  
費可否俱照彝鎮量留臣酌於每營守糧十分為  
準若逾於十分之外令其募補庶公事費用有資

而額糧亦不致於多餘冒濫矣相應一併

奏明伏候

皇上批示遵行謹

奏

應如是公糧盡數查補之議乃福敏一時謬見何可踵而行之

雍正六年七月初九日湖廣總督臣邁柱謹

奏為恭報早稻豐收分數米價平減情形仰慰

聖懷事竊照全楚早禾今已登場行據湖北布政使徐

鼎湖南布政使趙城各開報前來臣查湖北武鄖  
等府收成八九十分者居多間有數處六七分者  
惟沔陽潛江監利應山等縣因稍有被水之處收  
成亦有五分現今米價上中米每石八錢至一兩  
不等下米每石六錢七八分或七錢不等湖南長  
靖等府州早收總計七八九十分不等米價上米  
每石九錢至一兩中米每石八九錢不等現今南

北雨暘調順臣因勘隄自省而抵荆屬沿途晚禾亦俱茂盛村莊男婦處處歡欣安樂此皆我

皇上軫恤楚民給賑給帑一誠感格上合

天心所致臣目擊情形不勝慶幸謹繕摺

奏報恭慰

聖懷謹

奏

覽收成及米價情形深慰朕懷楚省得卿如是公忠為

國為民之大臣自蒙

上天鑒佑此亦理所必然但當愈加敬畏毋稍肆志期與卿等共勉之

同日又

奏為奏

聞事竊照楚省此番修築隄堦蒙

皇上為楚民保全曠典務宜高厚堅固臣於六月內親行勘驗所有上年衝決各口現在修築已完間有

數處堤身低薄應再加高厚及浮鬆拆縫尚須砥築加實之處臣已躬行教率其未經遍歷者委員分飭現在整頓惟沔陽監利潛江天門四州縣較之通省勢處低窪而沔陽尤在下流本年五月二麥收成後各堤正在完工而夏水驟發武昌漢陽

等各堤俱穩固無恙獨沔陽等處衝潰數口致近

沔陽

窪下之處淹浸歲不能免若沔陽豐收則他處不

堤田禾多被淹浸然旋即水退仍可補種晚稻雜

可問

矣損傷不至甚重即屬厚幸今歲據沔陽觀之通

糧其被水稍甚不能補種者通算不及五分例不

省仍可望大熟也

成災臣已量動公費銀兩移商撫臣酌行周恤民  
已得所可以無廛

宸衷至潰決堤口百姓已有散給

皇帝感激赴工現在搶築計八月間所有一切各堤均  
能完固永保無虞臣謹據實奏

聞謹

奏

一切堤工即可告竣欣悅覽之



同日又

奏為奏

聞事竊臣前奏參布政司黃焜劣款奉

旨黃焜任內再有事件著邁柱逐一審明定擬具奏欽  
此查臣自到任之初即聞黃焜放給錢糧有扣剋  
情弊彼時尚未得有確據今臣細加行查據武昌  
漢陽襄陽荊州黃州等府各州縣紛紛呈報凡黃  
焜任內如放給

先農壇銀兩每百輕平四五兩至七八兩不等又放給

各州縣收買黃銅價銀每百輕平三兩至四五兩

不等他如發修堤工採買米石招回饑民盤費等

捐項銀兩每百俱輕平二兩至三四兩不等乃至

各營請領哨船工料官兵俸餉每萬兩俱短平七

八十兩累官賠墊盈千纍百現據荊州文武員弁

詳稟俱屬相符似此貪贓纍纍實難寬縱臣現在

將一切反覆質訊據其供情無可辯白俟定案後

另疏具

題外理合繕摺奏

聞謹

奏

覽奏已悉辜恩負德下愚不移未有如黃焜父子者

同日又

奏為奏明事竊查永順土司彭肇槐自請歸流荷蒙  
皇上俞允加恩賞賚現據該弁呈繳印信號紙臣查該

土司地方二千餘里人口有十萬之多必須官兵  
彈壓茲隣近標協無可調撥因常德與永順尚近  
現咨署提臣劉世明於提標內酌撥官兵暫往防  
守俟營制議定

題准之後撤回併諄飭鎮臣周一德道臣王柔加意  
撫綏料理矣理合

奏明伏乞

皇上睿鑒謹

奏

飭令屬員慎重周詳辦理仍當不時察訪其情形毋稍懈忽至於王柔實心任事但恐失之躁急當加裁抑而用之庶不至有差謬

雍正六年七月二十一日湖廣總督臣邁柱謹

奏為陳明經理苗疆事竊照新任辰沅靖道王柔到省呈鈔該道摺稿條奏歸復六里及容美設營移改關稅開採礦廠等款奉

旨條奏各款該督撫詳悉商酌應題者具本題請應摺  
奏者具摺奏聞內開採一事另有面諭王柔之旨欽  
此臣思六里土司等處地在邊疆人多野性一切  
事宜必須從長計議動出萬全該道王柔身受

殊恩報效心急自必踴躍趨事猶恐一人之見或有疎  
漏臣見鎮守總兵周一德久任楚疆熟知風土且  
老成持重而苗疆係其專管隨令該鎮會同王柔  
和衷辦理公商妥協覆到之日臣與撫臣王國棟

會酌具

奏謹繕摺陳明伏乞

皇上睿鑒謹

奏

苗疆事務飭委文武會合商辦更屬允協其加詳加慎  
料理可也

同日又

奏為奏

聞事竊臣屬黃州府黃岡縣鄉居生員柳宏達家於雍正五年十二月二十七日被盜實屬強劫該縣知縣樊大元諱強為竊按察使知府等官據詳率轉俱稱是竊非強轉報到臣查閱詳內失贓累累獲賊已有五名顯係強劫經臣嚴批駁飭另委妥員查審始據按察使令知府康忱捉犯審出將諱飾各職名詳揭現在臣與撫臣會稿分疏

題參在案但此段批駁實情按察使初詳並未叙入



詳內徑作該司與分守道自行訪聞駁查及臣札  
致撫臣復加駁飭始將臣批駁緣由叙入案呈至  
該司原日據詳率轉之處仍作一面詳報一面駁  
查以避處分但文員叅稿向例係撫臣主稿題叅  
止會臣列銜且按察使王肅章黃州府知府康忱  
王肅章好員不無迂踈之疵康忱  
頗似老成謹慎人但未知表裏如一否  
居官尚在可以辦事之員臣是以照常畫題而於  
中實在情形臣仍不敢欺隱謹據實

奏明伏祈

皇上睿鑒再此案武職兼轄官係黃州協副將李繩武  
臣照例亦另用題本叅出矣惟是該員前因黃陂  
縣龐文海家被盜一案奉

旨從寬留任今查本案柳宏達家被盜在上年十二月  
二十七日其龐文海家被盜在十二月三十日兩  
案失事同在三日之內該員為兼轄之員因公累  
誤事同一類可否仍請

寬典恩出

自然從寬具題到日有旨

上裁臣於本內止照例

題叅不敢稍為掩飾茲仰體

李純武大有長進之人應愛惜者

聖心為愛惜人材起見合併繕摺陳明謹

奏

覽

雍正六年八月十八日湖廣總督臣邁柱謹

奏為陳明事竊照衡州副將張可才與宜章叅將崔  
鼎因新舊交代微嫌彼此互訐臣正在批司確查

間隨准署提臣劉世明咨請會叅前來經臣具疏  
請

旨將兩員解任質審外臣查副將張可才久任邊疆尚  
屬稱職叅將崔鼎新莅此任整飭亦有可觀均為  
有用之材雖尚氣好勝亦武職之常事既兩相互  
訐不得不暫請解任俟審明之後容臣具摺再請  
恩旨臣仰體我  
皇上愛惜人材起見合先陳明伏乞

睿鑒謹

奏

張可才崔鼎漢仗俱好皆曾於招木多陣前出力之人  
朕因事涉貪婪形跡不得已俯從解任之請人材殊堪  
愛惜審明後其情如稍有可恕據實摺奏以聞

同日又

奏為恭陳查勘苗疆事宜仰祈

睿鑒事竊照辰沅道王柔條陳六里紅苗地方招民間

墾及開礦等事臣前因王柔雖任事心切恐其少年或有輕率是以委令鎮草鎮臣周一德協同王柔親往逐一查勘業經具摺

奏明緣地處萬山之中夏月草木繁茂難以深入須候秋冬草枯葉落之後方可往勘今據該鎮周一德稟稱已經先令熟悉苗情之年滿千總李其英帶同苗頭寨長等潛赴六里探看情形茲據各差回稱彼地除崇山峻嶺而外其中田土已經開種

者俱係苗業未開者不及其半成功之後約畧水田不過二三千畝山地亦如之糧賦無幾至於鉛廠硃砂廠若令苗開採難以約束稽查若募漢人必起頑苗覬覦之心且稱將來官員往勘必由楊孟寨經過此寨甚大苗亦强悍再有五里苗寨稠密人亦衆多恐此二處不能不用兵威等語今舉行之始本職請委副將一員同都守千把領兵一千名於秋盡冬初進內安設本職帶標兵五百名

一齊進內彈壓庶得聯絡相通兵糧須兩路運進  
一由瀘溪運至紅苗之阿谷寨一由王村運至六  
里之花園寨兵整糧足方稱萬全苟不慎之於始  
將來恐未必有益反滋事端等情到臣除密諭該  
鎮一面留心整備俟草枯葉落之後會同王柔前  
進親勘外臣查六里紅苗從前敢於行兇竊劫皆  
藉保靖土司為藏姦窟穴今保靖改流自不敢如  
向日之生事至於此內地土可否招墾礦砂可否



開採必須鎮道會勘明確方可定議所有現據該  
鎮具稟情由謹繕摺奏

聞仰祈

睿鑒訓示施行謹

奏

據周一德所稟觀之用力多而收功少何必冒險而行  
此舉王柔踴躍急公過於從事恐涉於輕率卿當詳慎  
為之朕在數千里外從未經歷其地憑何指授方畧耶

全賴卿等講求一勞永逸之計必謀出萬全而後施措  
豈可因一時高興貪功遂行險以僥倖乎殊非朕之本  
意須再四詳慎為要

雍正六年九月初八日湖廣總督臣邁柱謹

奏為恭報中晚二稻豐收分數仰祈

睿鑒事竊照楚省中晚二稻業已登場據湖北布政使  
徐鼎湖南布政使趙城各開報前來臣查湖北武  
鄖等府屬收成八九十分者居多間有數處稍被

水浸之沔陽等州縣收成亦有六七分現今米價  
每石七錢至八九錢不等湖南長靖等府屬總計  
六七八九十分不等然八九十分者居多米價總  
計每石六錢二三分至八錢四五分不等現今南  
北豐收倉箱稱慶此皆我

皇上敬

天勤民至誠感召之所致臣謹繕摺恭

奏伏乞

睿鑒謹

奏

覽奏朕懷深慰爾前在京時朕曾有諭若能秉此公誠之心毋稍遷移到任後兩湖地方定邀

上天之眷祐今果如是成熟可見朕言之不爽也但當慎而愈慎勉之又勉

同日又

奏竊照下崗土司向鼎晟自請改流一案先蒙

皇上諭旨查其有無別故於苗疆內地民人果否有益  
業經撫臣王國棟同臣查據辰沅道王柔等回覆  
緣由會摺具

奏間茲於本年九月初二日據鎮筵鎮臣周一德呈  
稱據下崗土民田士義呈告土官向鼎晟貪淫殘  
暴過惡百端致令土民含冤莫訴請飭法司提審  
究治等情到臣除行湖南按察司嚴提審究外臣  
查向鼎晟惡蹟現據土民告發如審係情實自應

另疏具

題叅革所管下崗地方雖止百里然接連之桑植永順俱已改流四面皆為內地若留下崗夾襍其中恐有藏姦生事似應於審案內併請改流庶地方一氣相通事屬妥便合先陳明伏乞

皇上睿鑒謹

奏

卿相機酌量為之近日以來整理苗徭事件似覺繁多

當仰體朕意遇可以將就者安靜處之為上若審度必  
應整理尤當謀及萬全他日善後事宜不致棘手然後  
方可舉行稍涉疑慮之事何妨徐徐緩圖耶

同日又

奏為積年民欠錢糧亟宜清查以重

國賦事竊臣蒙

皇上簡任兩湖一切地方事務固宜竭力辦理而錢糧  
一道雖係撫臣專政不敢不留心稽覈今查湖北

一省除本年分之新欠不算外所有沔陽鍾祥天門江陵等四州縣自康熙五十五年起及雍正二三年起積年舊欠共銀二十萬七千八十餘兩湖南一省除本年分之新欠不算外所有武陵安仁攸縣湘鄉等四縣自康熙五十九年起及雍正二年起積年舊欠共銀一十一萬一千八百餘兩以上南北兩省通共積欠三十一萬八千九百餘兩歷年既久逋欠愈甚或係書役侵收飛灑或係棍



徒花開詭戶按冊欠有名徵比從不到案州縣官才稍平庸催科無術卒難完報臣在江西有奏銷未完積欠之永新豐城等七州縣臣曾另以抗糧積弊等事揀選善於清查錢糧之能員另疏調補授以清查催徵之法又議以功成督撫保題優陞之例荷蒙

聖恩俞准行之頗有成效今兩湖各州縣積欠至三十餘萬之多臣請仍照江西例揀選善於清查錢糧

之員調補到任使之將一切民欠冊籍花戶確查  
徹底一清設法催徵似於

國計有益而抗玩詭詐之民風亦藉以整頓可否准  
照江西之例容臣另疏具

題謹先繕摺請

旨伏乞

皇上睿鑒批示遵行謹

奏

所奏是甚屬可嘉已有旨命汝兼理兩省錢糧事務矣  
候部文到日遵照奉行應題者具疏題奏可也

同日又

奏竊照永州鎮革職遊擊楊京瑛等因荆之寶家失  
事一案奉

旨命臣會同撫臣提臣審理隨行湖南按察使提犯審  
擬招解今臣擬於九月初八日自武昌起程至岳  
州府適中之地會同撫提二臣審擬具

題外再查盜首七十七即陳老晚前報於廣西拏獲  
今據該縣審訊解到之陳老晚實名陳仲禮並非  
首盜七十七之陳老晚其真實盜首據現盜所供  
或稱逃往廣東之廣寧縣柴山或稱逃往廣西懷  
集縣木塘山徭人山內臣俱飭官役分投前往會  
同該地方官嚴行緝拏務獲以靖根株並咨粵省  
督撫提臣轉飭擒拏去訖合併

奏明伏乞

皇上睿鑒謹

奏

此案當研究密緝務盡根株毋得絲毫草率致令有所  
疎縱

同日又

奏為恭繳

御批奏摺事竊臣前具

奏報早稻豐收一摺奉有

硃批臣跪讀之下不勝惶悚伏查楚省今歲早稻豐收  
茲中晚二禾及收至八九十分者甚多皆我

皇上念切民生一誠感召乃

聖衷謙抑獎及微臣臣自顧德薄才庸自任楚以來並  
無寸長足錄一切事宜祇有上體

皇上之聖心仰遵

皇上之聖訓臣實仗

聖主之洪庥何足以當

上天之賜佑謹遵奉

訓示愈加敬畏不敢肆志以副

皇上勉勗之至意所有原摺理合恭繳併兩次奉到

硃摺共十一件除逐一遵照辦理外相應一併附便恭

繳謹

奏

上天之感應實如立竿見影其潛符默契處纖毫不爽當  
加敬畏黽勉者

雍正六年十月二十日湖廣總督臣邁柱謹

奏為奏謝

天恩事雍正六年九月初九日臣齋摺家人回楚捧到  
皇上賜臣哈密瓜一圓又於本月十四日臣齋摺家人  
捧到

皇上賜臣風羊一簍奶餅一匣均經臣出郊跪迎至署  
臣隨開視

奏摺內一件為湖廣兩省民欠應清查緣由奉有



硃批隨恭設香案望

闕叩頭謝

恩訖伏念臣本愚鈍任事以來屢蒙

恩賜頻頒

溫綸獎借夙夜捫心方愧無以報稱恐滋隕越乃荷  
聖恩委任兼理兩省錢糧事務臣承

命之下負荷愈重報效愈難惟有勉竭心力仰藉

聖訓細加指示得以稍免過愆以仰答

高厚於萬一除兩省錢糧事務容臣次第料理外理合

繕摺恭謝

天恩謹

奏

錢糧事件切戒苛刻但秉公察覈據實奏報斯可矣徐  
徐循序辦理不必急迫其間若遇有為能員可惜材器  
尤當寬容一步慎勿過於嚴厲

同日又

奏為奏

聞事竊臣於本年十月十四日據鎮寧鎮臣周一德差  
往楚黔沿邊一帶苗巢探事外委回稟探得銅仁  
協譚旗牌差往軍前送喫食回來說七月初四日  
貴州巡撫帶兵到都勻府招撫九股苗子賞牛酒  
花紅二十一日喫血剃頭歸化八月十二日差千  
總楊天成隨帶二人往南巢招撫被害未出九月  
十三日苗子出來打仗陣亡把總一員張洪兵丁

一十七名搶得苗人挨牌一面捉拏苗人五名十五日夜苗子出來衝營見苗子勢兇家人將撫臣張廣泗背出十六日打仗一日損傷官兵一百四十有零鑼鍋帳房盡行丟棄失礮四位苗子亡者不知數目又銅仁協嚴守備帶周把總兵丁二百名至愷里劄營把總周坤腿受鎗傷傷兵六名九月二十八日李千總張把總又帶兵一百名赴黎平等情前來據此臣查湖廣六里之大背龍洞啞

有寨大溝寨等處俱係銅仁一帶紅苗出入藏踪之所隨經嚴諭各守口兵弁如有逃苗越境務必追擒毋令免脫現在楚地苗境亦安靜無事臣謹據實奏

聞伏乞

皇上睿鑒謹

奏

此乃八月間事也朕前已聞之尚未甚確

同日又

奏為截曠銀兩不便仍作公費以重

國帑事竊照兵丁事故空缺報明之後始行拔補中間相隔時日不應仍給錢糧發餉之時按日扣算餘則所謂截曠銀米是也查從前此項銀米各該營多存為營內公費今各營公費已蒙

皇恩准存名糧則截曠銀米絲毫應歸

國帑除臣分檄各鎮協營並移會提臣一體遵照外

臣謹繕摺

奏明再查彝陵鎮五營向亦以截曠銀米充作公費  
昨據杜森稟稱此後應概歸

國帑與臣所見相符惟自雍正五年秋季起至本年  
夏季該鎮尚存剩截曠銀一百四兩零可否念係  
從前餘剩之項姑存鎮營於公項支銷存用臣未  
敢擅便伏乞

皇上批示以便照會該鎮遵行謹

奏

此項截曠銀兩向皆留營公用况亦為數無幾何忽生  
斯卑鄙之見耶仍舊賞給各該營為是此奏朕殊不取  
總督兩省封疆應辦事件甚廣要當專意於遠者大者  
不宜於如是瑣務留心凡人一日之精神有限時光易  
過所務失宜反致遺誤分內事也戒之戒之

同日又

奏為覆奏事本年二月臣奏原任桑植副將楊凱縱



兵擾民等情由一摺奉有

硃批臣謹遵

密諭即將福敏之字發與楊凱去後茲據辰沅道王系  
將楊凱回覆福敏稟單一封呈繳前來理合遵

旨恭繳伏祈

皇上睿鑒至楊凱與同知鐵顯祖文武不和等由經臣  
復奏已蒙

持旨將二員解任質審現在容臣審實具

題另候

敕旨施行謹

奏

知道了一面之詞殊難憑信其是非黑白虛公質審自然水落石出也

同日又

奏為楚省強竊賊盜衆多亟宜整飭以安民生事竊照楚省素多盜案上年被水之後強竊尤甚揆厥

所由總緣地方官平日無弭盜之法遇有失事概  
行諱匿通同隱飾之所致此等積習除俟次第整  
理外臣尚有管見四條請為我

皇上陳之

一營汛弁兵宜令其就近分查保甲也查弭盜之  
法莫善於遵

旨力行保甲楚省各屬非概不奉行即有行之者亦皆  
有名無實際臣嚴檄申飭務令實力奉行外查各

州縣駐劄弁兵不論城鄉每五里十里各有分防  
水陸塘汛設兵五名十名十數名不等內或撥有  
管隊或專汛千把總帶領防守遇有失事即令救  
護追緝然與其救護追緝於失事之時曷若令其  
分查保甲於未事之先臣請嗣後州縣保甲之法

保甲之法言之甚善行之實難人民襟處不一地方衝  
一切編聯稽查仍照舊例責成州縣外所有專汛  
弁兵管轄本汛十里五里之內者併令武弁督率  
僻各殊惟在有為有猷之員實力編查勤慎不懈方能  
管隊兵丁不時分撥一二人就近會同保正牌頭

有濟

若責令兵弁協同稽查必致擾民且將來地方文

照編定牌甲實力稽查如附近村莊有遊手好閒

武各

顧處紛紛互相揭報非良策也

無生業之人及外來無故面生可疑之人即令報

明武弁移會文員嚴加詰究如牌頭保正不行稽

查被汛兵自行查出者將牌頭保正照新例分別

治罪如弁兵怠惰及通同徇隱者亦照牌頭等例

治罪如此則互相稽察似於靖理地方有益而於

保甲之一法不無小補矣

一典史縱竊不獲宜照案數處分也查典史向有

緝盜之責但惟緝拏強盜典史與州縣按限同干

處分而竊案從無立限緝賊之例以致典史無所

忌憚反借管理盜賊為名凡地方呈報失竊必勒

賄始發差出票謂之紙價及至差捕役往勘情形

賄差者名為發脚錢賄官者名為夫價又名為鞞

典史

縱竊不獲將州縣官照狗庇例處分於以儆戒地

方有

同令其專力捕緝未為不善若然則凡有失竊必

須每

案通詳咨部方便照案議處一者事覺太煩再者

一氣同聲即緝獲真盜捕役為之說事過錢通同

典史

一官無人敢做矣且典史亦何能為現今部中巡

捕

三營五城御史步軍統領滿漢各員官役不為不多

釋而真盜從無獲究至州縣官通報竊案雖定有

矣尚

不能淨盡根株何況一典史微員乎從來大法小

六箇月承審之限但必獲賊之日扣承審之限查

廉如

果道府州縣率皆公勤明察豈有容隱微員暗通

參若無緝賊例限則通報之案亦止係故套文書

盜賊

之理所論殊失探本尋源之要

而承審例限亦徒為虛設且查參承審係州縣事

故典史反得逍遙事外臣請嗣後州縣內竊盜發

覺通報之後均責令典史吏目等官定限緝拏如

逾限不獲令按察使揭報督撫咨部參處至吏目

典史通同捕役受錢縱盜等弊如州縣官瞻徇不行揭報將州縣官照上司徇庇屬員例降調如此則微員縱容竊盜一弊似可稍息矣

一牙行被盜竊去客商銀貨等項宜令行主先賠贖物以杜窩引詐財之弊也楚省衝途巨鎮甚多商賈雲集乃有一種土棍牙行候客商主於其家

窺伺所帶資本或勾通本地匪類或督率本家雇客商被竊行家勾通匪類不可言無亦係間有之事但工子弟深夜將客住間房挖洞入室竊取銀兩貨



獲賊

之後供吐賊影終必敗靈平民定不為也今若不

別姦

良不究根由概令牙行先賠揆之情理甚屬不協

此議

斷然不可通窩引之處無從質審彼且脫然事外商賈深受

其害臣請嗣後牙行被盜竊去客商銀貨者除嚴

飭地方官務令躡緝獲賊審究外應將被失貨銀

先令牙行照數賠出償給客商收領俟獲賊後審

無勾引情弊追贓給還牙行倘審係牙行詭詐勾

通借盜捐騙將牙行照窩引律治罪如此則牙行

畏有賠償之例而勾引窩線之弊不禁自除矣

一沿江沿湖小船宜挨編字號設連環保結也查楚省江河渡駁江划小船與茅篷船隻此等船戶皆窮苦無賴之徒或係沿江沿湖附近村莊或係四處混聚未知來歷亦無牙埠約束黃昏深夜巧以捕魚為名乘空即將過客行舟逞志截劫塘汛地方因其捕魚不便拏緝甚有竊劫鄉村盜已獲而無窩家借船以為巢穴如臣屬江夏縣之八吉

小船

挨編字號連環保結既經於八吉堡試行有效因

堡地方素稱盜藪其故皆由附近村莊多以捕魚

地制宜推廣行之可也至若魚又魚棒成條小民取魚

為業家設划船茅蓬借名為匪礙難查緝臣因飭

之具非軍器可比若欲為匪豈必又棒之有無弭盜有

行將八吉堡一切小船編聯字號兩傍烙印取五

方寧在又棒之禁否此舉徒滋人之譏笑耳亦非善計

船互結一船為匪四船同罪每晚點查明白方許

可以不必

放行現在行之兩月頗覺有效臣因推廣其法請

將南北兩省沿江近湖地方一切小船逐一清查

各歸就近馬頭彼此認保每十船具一連環保結

挨次編號刊字遇晚令其務在本埠馬頭一處灣

泊其有別埠別號混入者即行查逐每船船戶不得過二人取魚器具止許帶罾網等類其叉魚鐵鋼叉打魚之棍棒等物概行查禁均責令就近典史巡檢塘汛兵丁不時清查併令每十號船內自行首報匪類免罪如平日已經認保及後為匪又通同徇隱不行首出一船犯事十船連坐如此則所有小船彼此自相察覺似為弭盜之一法也

以上四款臣為楚省歷來多盜起見急思整飭之

法謬杼未議是否有當統祈

皇上睿鑒批示施行謹

奏

所奏四條朕甚鄙之雖因地方多次盜籌畫消弭起見然皆枝葉邊事非拔本塞源之論封疆大吏果以靖盜為念惟在勤察訪嚴賞罰訓飭文武屬員實力奉行而已又在威惠兼施於平時令百姓咸知恩之可感法之可畏閭閻各安本分生理有賴不慮饑寒然後申之以孝

悌廉恥之義庶望漸臻化行俗美若但規規以目前小術為務徒滋紛擾究復何益果能令屬員心悅誠服猶如臂之使指胡令不行曷禁不止計不出此而欲惟法是賴恐科條益密而百弊叢生措置愈難將見善良動干功令而姦宄更得乘機肆志也覽汝此奏專務煩碎不本大體識見甚屬卑淺朕深為楚為愛之

雍正六年十二月初二日湖廣總督臣邁柱謹

奏竊查湖廣上年偶被水患得蒙

聖恩蠲賦賑金民慶更生但前此仍有乏食之民流移於外省因乏口糧不能回籍者實多臣於今春隨與北南撫臣商酌分委典史等員給領耗羨公項銀兩各赴四川河南江西等處逐一招徠按給口糧護押回籍即查照極貧次貧無力戶口再給資種俾其盡力耕耘臣繕摺

奏明續據江夏等縣報到有聞風招徠回鄉復業者一萬餘口已彙入賑濟案内撥給米穀

題銷在案今據各委員陸續招回戶口又復三千有  
餘經臣檄發商捐銀兩散給耕種工本現在造冊  
報銷此外有八九月內招回之戶口情願不領賑  
銀者甚多蓋因今歲楚省秋收米賤既經資養口  
糧回籍可以安居樂業百姓俱各歡欣得所矣所  
有楚省已經招回從前流移饑民緣由謹繕摺奏

聞謹

奏



招回戶口極當加意撫恤務令資生有賴何忍再見其  
流移也

同日又

奏竊臣於到任後欽遵

皇上訓諭凡州縣各官偶有小過無人控告俱行從寬  
誠飭不肯遽行查叅茲有荊州府屬松滋縣知縣  
孫承祖公安縣試用知縣高鋼苛徵重耗民怨沸  
騰已赴該管知府處控告有案是以特將二員

題叅在案臣不敢有違

聖訓謹因

奏事之便恭摺陳明伏乞

皇上睿鑒謹

奏

已於叅本內有旨矣不料高錕如此負恩誠所謂薄福  
小人也朕思殊屬可惜

同日又

奏為奏

聞事竊照欽奉

諭旨派撥楚省往黔官兵已於十一月初三日起程臣  
等

題報在案所有預派荊州滿兵一千名往常駐劄及  
預派綠旗兵一千名現在派撥已定需用馬匹口  
糧臣與撫臣均料理預備足數惟欽候

諭旨到日遵行目今粵西之八達寨業經歸誠向化惟

聞古州八萬尚需勦撫始克全功臣為黔楚接壤  
苗疆恐須策應機宜因分委員弁前往探聽茲據  
各探差稟稱十月初四日貴州總統帶各協營兵  
並土兵共八百名四路攻打各處苗寨俱已攻破  
其大肚婆等寨於初七初八等日俱已招安官兵  
目今駐劄大肚婆招撫各寨其打破之寨著土兵  
安插所有從前占住翁城苗子俱已各散等因據  
此則古州八萬苗蠻縱屬兇頑今已勦撫各寨將

及其半其未經勦撫者現在進兵計楚省李繩武所領之兵至黔正及其時可以聽候調遣無誤再臣聞此等苗蠻性愚而野因有漢姦六七十人在內教令狡獪負固自非大加勦戮不足以議招撫之道然勦而後撫固

聖明德威並用之至意惟各寨所有漢姦臣請將此輩務令窮究擒獲不在招撫之內庶足以淨根株而永除後患矣臣謹繕摺奏

聞伏乞

皇上睿鑒謹

奏

察拏漢姦最為要著已諭令盡力窮究汝既思及亦將此意寄札與鄂爾泰可也

同日又

奏為密陳改土歸流事竊查保靖桑植向因該土司殘虐額外誅求二處土民歸流嚮化之心實屬誠

切至永順一司從前彭肇槐素稱寬厚不事苛派  
况係世襲斯土族衆繁衍今一旦自行獻土歸流  
在彭肇槐雖出自中心而伊族衆土民等向流思  
土心不盡一臣愚以為當此建治之初必宜仰體  
宸衷先以收拾土人之心始可堅其歸流之念似應祇  
將各土人名下田畝諭令全數自行報出一體照  
輕則起科嚴絕私派宣示

皇仁將大過懲處小過寬宥務使知歸流之可樂則思

土之心漸輕俟行之三年土苗信服再為因事勘  
大重加酌增以足

國用庶幾地方安靜無虞矣如果臣言有當伏乞  
皇上特敕恩旨施行謹

奏

所見甚是朕於前此亦經有旨矣

雍正六年十二月初六日湖廣總督臣邁柱謹

奏為奏明事竊臣查寶慶知府許登瀛居官頗屬才



具可用之員今於十月二十四日據城步縣已參

亦有人於朕前密摺參奏已降嚴旨命王國棟杭奕祿

革知縣史惇化呈揭許登瀛貪贓劣蹟十款於中

等審完續因劉世明再三保薦又經特諭王國棟杭奕

是情節一而之辭原難憑信必須先行批發呈

祿等東公詳察毋使許登瀛致罹冤抑今此所揭十款

揭提審確鑿然後具本

或交發伊等併案質審抑或暫寢其事姑俟欽案完結

題參庶無枉縱但許登瀛現又委辦銅斤並委護岳

卿其酌量可也

常道印兼辦往黔官兵軍需事務臣恐一時提審

有誤目前公事因將史惇化揭呈暫緩批發俟委

辦事竣再行飭審併密商撫臣與臣意相同謹據

實繕摺

奏明再查辰沅靖道王柔條奏於六里招墾開礦等  
事原奉

上諭令臣詳悉商酌而行是此事自應俟臣查確覆  
奏奉

旨允行之日方可舉行乃王柔過於急公竟於九月初  
八日擅行遍出告示聲言招民往六里地方開闢  
以致一帶無恒之輩聚夥成群轉展斂錢招集臣

恐其一時搖動苗情業經飛諭停止併婉言訓飭  
去後隨又據王柔稟請發銀二千兩為進六里官  
兵盤費又兩次稟請發佐貳官六員又請發兵丁  
為該道差遣六里之用此皆不詳慎持重之故但

切加

此等行為臣惟批飭不允其行且時為密諭勸誨  
即訓飭莫令太過可以令其改正現在該員亦已知所詳慎不致

如前之輕率也又布政使徐鼎初任繁重其於政  
體未免緩急失宜以致緊要案件多有滯遲廢弛

臣惟早晚面諭辦理開示次第紀律近亦改正過  
徐鼎委係好員朕素所稔知者  
半矣至徐鼎黽勉盡職之心時已見諸言外將來

欣助為理實屬妥員合併

奏明伏乞

皇上睿鑒謹

奏

覽

硃批諭旨卷二百十三之二



總校官庶吉士 臣侍 朝

校對官編修 臣莫瞻菴

謄錄監生 臣蔡 寅